

671.1238
078
115

卷三十封城志十二
紀事中 卷三十一
封城志十三紀事下
卷三十二建壘城池上

永平府志

永平府志卷三十

封域志十二 紀事中

明

太祖洪武元年秋九月戊申大將軍徐達遣都督同知

孫興祖等徇永平元分省參政崔文耀以州縣降興

祖留平章俞通源等以元五省八翼兵守之 舊志

二年春元行省丞相也速寇永平 舊志 命大將軍徐達等

備邊自永平迤西二千餘里關隘皆置戍守 明史兵志

三年夏灤州大水 舊志

四年徐達帥盛熙等赴北平練軍馬修城池徙山後軍

民實諸衛府置二百五十四屯墾田一千三百餘頃

明史徐達傳 太祖實錄洪武四年二月罷山後諸州徙其民於山南中書右丞相魏國公徐達奏山後順甯等州民雖已招集來降未見安土樂生恐其久而離散已徙順甯宜興州沿邊民入北平州縣明史本紀是年三月乙巳徙山後民萬七千戶屯北平六月徙山後民三萬五千戶於內地又徙沙漠遺民三萬二千戶屯田北平今府屬自山後遷居者皆相沿稱自永樂二年蓋誤
志 五行 秋永平旱 明史

六年冬十二月元兵寇撫甯縣及瑞州詔罷瑞州遷其

民於灤州徙撫甯縣治於洋河西

舊志

七年夏樂亭昌黎蝗

舊志

九年秋旱

舊志

七月賑永平旱災

明史本紀

十年夏六月永平灤漆二水沒民廬舍明史五行志秋九月

丙辰大火舊志

十三年冬十一月元平章完者不花與乃兒不花率騎

數千入桃林口寇永平指揮劉廣戰死千戶王輅追

擊至遷民鎮敗之擒完者不花舊志

十四年春正月辛亥大將軍徐達發燕山等衛屯兵一

萬五千一百人修永平界嶺等三十二關舊志案此二條與明

史太祖本紀合而此較詳

十七年北平留守傅友德奏通灤河青河故道漕運舊志

二十年三月征虜大將軍馮勝等帥師出松亭關六月

至金山降元將納哈出

舊志

二十三年燕王同晉王討乃兒不花晉王怯不敢進王倍道趨迤都山獲其全部而還太祖大喜令王節制

沿邊士馬

成祖本紀

二十六年冬十月癸亥喜峰路臺西北樓內旋風大作

黑氣沖天有火光

明史五行志

惠帝建文元年春三月甲午勅都督耿璈將兵屯山海

關秋七月丙戌靖難兵至永平指揮趙彝千戶郭亮

百戶吳買驢等以城降

買驢後改名成封清平伯

庚寅大甯兵出

松亭關攻遵化壬辰燕王來援兵退守關癸巳百戶

魯敬敗大甬兵於遷安之釣魚山丙申燕王回北平
九月江陰侯吳高都督耿璫楊文率遼東兵圍永平
焚西門燕王自將救之營於永平城東追奔百餘里
斬首千餘級高等退保山海關王遂引兵出劉家口

舊志案明史惠帝本紀元年十月燕兵自劉家口間
道襲陷大甬守將朱鑑死之成祖實錄十月戊戌師
至劉家口路極險隘守關百餘人乃命鄭亨領勁卒
數百卷旆登山斷其歸路而從後攻之悉擒守關者
師遂度關以東勝孤遠難守調左衛於永平右衛於遵化

而墟其地

明史
兵志

二年夏四月遼東兵下昌黎五月指揮僉事谷祥敗遼
東兵於定流河秋七月又敗之於部落嶺克兔耳山

寨八月遼東兵圍永平不克

舊志

三年夏五月遼東兵圍永平指揮吳興旺谷祥晝夜對敵凡八十日燕王遣指揮劉江救之大破遼東兵於昌黎斬首數千級冬十一月燕府論守永平功軍士普陞一級爲小旗小旗陞總旗總旗陞試百戶以上普陞一級

舊志

四年夏五月遼東兵至永平都指揮僉事谷祥引軍過小河至十八里鋪拒卻之論功普陞一級秋七月己

巳燕王卽位九月以守城功封郭亮爲成安侯趙彝

爲忻城伯

舊志

八月丁丑命撫永平流民復業冬十二

月丁卯成安侯郭亮鎮守永平山海壬申許永平民

兵還籍

談遷國權案讀史方輿紀要十八里鋪在府東小河即漆水也

成祖永樂元年詔流民復業遣南民來屯特免北平差

稅三年

舊志

春三月壬午以大甯地界兀良哈起前屯

至喜峰爲朵顏衛自黃泥窪至開元爲福餘衛由錦

義至白雲山爲大甯衛自是宜遼道絕三衛後爲門

庭之寇矣

國權案明史諾音傳成祖從燕起靖難患甯王躡其後自永平攻大甯入之謀脅甯

王因賂三衛說之來成祖行甯王餞諸郊三衛從一呼皆起遂擁甯王西入闕成祖復選其三千人爲奇兵從戰天下既定徙甯王南昌徙行都司於保定冬盡割大甯地界三衛以償前功諾音舊作朵顏

十月乙卯勅鎮守永平山海成安侯郭亮選三千騎

元平府志 卷三十一
四
勦十八盤賊

國權

二年春二月命成安侯郭亮鎮永平都指揮同知費璫

鎮山海

舊志

三年春正月庚申復免順天永平保定田租二年

成祖本紀

築昌黎決堤

河渠志

四年修築樂亭魯家套社河口

八年夏四月丁酉撫甯老人張甫通遷安老人何彬督

運至清水源各授本縣縣丞

國權

十二年冬十二月己丑免樂亭水災田租

國權

十三年夏四月丁丑以永平游水賑之秋七月己未始

召商中鹽北京納米喜峰口

國權

十四年秋七月永平大雨水壞田廬命賑之

國權案明史五行志

是歲灤漆二水溢壞田禾

十五年春二月添設管馬通判一人

灤志

十八年春三月甲申都指揮李昌鎮守山海關徐甫鎮

守永平

國權

二十年秋八月戊戌車駕次玻璃谷諸將先受命征烏

梁海者奏云已入寇穴寇悉眾來敵大敗之斬首數

千級餘眾潰而西走盡收其人口孳畜先到大甬入

喜峰口

明成祖實錄案烏梁海舊作兀良哈

二十二年秋八月戊午襄城伯李隆鎮山海

明史仁九宗本紀

月戊子遂安伯陳瑛充總兵往山海永平巡視關隘

冬十一月永平山海餉足改大同中鹽

國權

仁宗洪熙元年春三月癸酉賑樂亭縣饑夏四月庚子

勅責山海永平總兵官遂安伯陳瑛及都指揮陳景

先以縱寇疏防之罪

國權

灤州水

明史五行志

閏七月丙午

後軍都督僉事郭義爲遊擊將軍巡永平山海關隘

國權

宣宗宣德元年秋七月丁未鎮守薊州山海都督僉事

陳景先巡邊值北寇四十餘騎於鮎魚石關殲之上

以鹵好鼠竊戒景先毋貪小利八月乙丑召鎮守永

平總兵遂安伯陳瑛還京邊事付都督陳景先國權

三年秋七月丁未帝自將巡邊九月辛亥次石門驛兀

良哈寇會州帝帥精卒三千人往擊之乙卯出喜峰

口擊寇於寬河大破之甲子班帥癸酉至自喜峰口

明史宣宗本紀冬十月命遂安伯陳瑛鎮永平武進朱冕鎮

山海舊志

四年春二月壬寅昌黎知縣楊禧秩滿耆民乞留從之

加俸一品夏五月丙辰經理山海至薊州屯田國權

九年夏六月辛未免永平逋租國權

英宗正統元年春正月庚寅發禁軍三萬人屯田畿輔

英宗
本紀

五年夏蝗

舊志

四月戊戌賑永平等衛軍餘

國權

六月

遣吏部侍郎魏驥撫安永平等府蝗災

舊志

六年春三月遣大理寺右少卿李奎撫恤永平府州縣

流移饑民

舊志

七年秋九月丁卯薊永總兵王或言兀良哈二衛假射

獵犯邊乞剿之不許都指揮同知宗勝充右參將協

守薊州永平山海

國權案此後凡協守薊永山海鎮守薊永山海者皆駐三屯營

九年春正月辛未命成國公朱勇興安伯徐亨左都督

馬亮陳懷分勦兀良哈時三衛陰寇邊勇同太監僧
保出喜峰口恭順侯吳克忠佐之亨同太監曹吉祥
出界嶺口亮同太監劉永誠出劉家口懷同太監但
住出古北口各領萬人期至遼河土河會遼東總兵
曹義之師夏四月丙戌增山海衛戶部主事提督屯
糧并巡視永平界嶺口劉家口喜峰口倉場秋閏七
月永平大水傷稼遣視冬十月丁巳應城伯孫傑爲
總兵鎮守薊州永平山海召都督王忬還京

國權

十二年秋七月辛卯賑永平蝗災

國權

十三年帝東巡觀漁於偏涼汀駐蹕於灤城

國權

永平府志 卷三十一
十四年夏永平蝗

明史五行志

秋七月庚辰命給事中翟敬

監察御史羅篪等勞遼薊永平山海等軍士各一金

庚寅召商鹽永平納糧界嶺口劉家口九月丙午鎮

守山海永平總兵應城伯孫傑免指揮同知宗勝爲

後軍都督僉事代之冬十月癸酉勅薊鎮總兵宗勝

以選銳五千付右僉都御史鄒來學都指揮僉事胡

鏞赴京追敵

國權

十一月癸未修沿邊關隘

明史景帝本紀

景帝景泰元年提督京東軍務右僉都御史鄒來學修

喜峰迤東至一片石各關城池是歲大水入城與東

南城幾平灤河徙

舊志河舊在城東至是徙於城西

三年秋八月辛丑永平大雨水渰稼賑之國權十二月免

永平被災秋糧

明史本紀

五年夏四月旌表灤人謝福尙義之門秋七月太監曹

吉祥及姪欽作亂伏誅

灤志案吉祥灤之長春社人

冬十二月丙

申免灤州及昌黎水災秋租

國權

六年夏四月遣吏部右侍郎葉盛安撫永平等府流移

饑民劉家營大水秋七月隕霜傷稼十月大雷雨竟

日舊志冬十一月丁丑免永平災租

國權

七年夏六月遣戶部侍郎原傑賑恤永平等府水災

舊志

秋八月甲寅盧龍人劉傑言和糴乞秋稔依直收納

庶官民兩利從之

國權

英宗天順元年灤州人唐興以妖術聚眾作亂伏誅

舊志

春蓮花生

昌志

夏四月己未免永平去年災租

國權

二年庚戌遣官以江南折銀輸永平一萬易粟

國權

諾音

衛欲從宣府入境朝貢守臣以聞命仍從喜峰口入

明英宗

實錄

五年春三月丙寅薊州永平右參將馬榮為總兵官鎮

守

國權

憲宗成化元年秋八月永平大雨壞城

明史五行志

二年夏五月丁丑永平同知劉璉著績特賜誥勅秋七